



Na osnovu člana 24. stav (3) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine, broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12) i člana 8., 9. i 10. Pravilnika o karakteru javnog konkursa i postupku postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 10/25), a na zahtjev Kantonalne uprave za šumarstvo Ministarstva za poljoprivredu, šumarstvo i vodoprivredu Zeničko-dobojskog kantona, Agencija za državnu službu Federacije Bosne i Hercegovine, objavljuje

JAVNI KONKURS

za popunu radnih mjesta državnih službenika u

Kantonalnoj upravi za šumarstvo Ministarstva za poljoprivredu, šumarstvo i vodoprivredu Zeničko-dobojskog kantona

I. RADNA MJESTA

- 01. Stručni saradnik** za geodetske poslove i katastar šumskog zemljišta - 1 (jedan) izvršilac
- 02. Stručni saradnik** za koordinaciju rada čuvara šuma, održavanje sredstava i opreme - 1 (jedan) izvršilac
- 03. Stručni saradnik** za upravno rješavanje, javne nabavke i ljudske resurse - 1 (jedan) izvršilac

II. OPIS POSLOVA

Radno mjesto 01.

Opis poslova: obavlja poslove na uspostavi katastra šumskog zemljišta na području Kantona (državne i privatne šume), prikuplja i objedinjuje podatke i vodi bazu podataka o katastru šumskog zemljišta, procjenjuje stanje površina šuma i šumskog zemljišta i vodi propisane evidencije iz ove oblasti, prikuplja, objedinjava, vodi bazu podataka i provodi daljnu obradu podataka o uzurpiranim (bespravno zauzetim) šumama i šumskom zemljištu i stara se o blagovremenom proslijeđivanju istih na rješavanje nadležnim institucijama i službama, aktivno učestvuje u postupku izrade šumskoprivrednih osnova i prati dinamiku izrade istih, aktivno učestvuje u utvrđivanju činjeničnog stanja i zakonitosti postupka odobravanja doznake i sječe u privatnim šumama, obavezno učestvuje u postupcima kupovine i zamjene šume i šumskog zemljišta, uspostavlja i vodi bazu podataka o izdatim rješenjima o zamjeni zemljišta, krčenju šume, koncesijama, eksproprijaciji, proglašenim zaštitnim šumama i šumama s posebnom namjenom i svim slučajevima promjene namjene i korištenja šume i



Kolodvorska 6, 71000 Sarajevo



+ 387 (0) 33 552 040



info@adsfbih.gov.ba



www.adsfbih.gov.ba; www.hrm.adsfbih.gov.ba; <http://ekonkurs.adsfbih.gov.ba>



šumskog zemljišta u druge svrhe, učestvuje u izradi mišljenja za formiranje i reviziju šumskoprivrednih područja, uspostavlja saradnju sa organima i institucijama vezanim za katastar šumskog zemljišta, izrađuje periodične i godišnje izvještaje o svom radu i podnosi ih direktoru, izrađuje informacije i izvještaje i druge materijale vezano za površine šuma i šumskog zemljišta, pruža pomoć kod kartografskog prikaza (katastarskih čestica) granica državnih šuma i privatnih šuma na području općina i kantona, vrši identifikaciju granica između državnih i privatnih šuma po zahtjevima odjeljenja sa stručnim licima iz odjeljenja i Šumsko-privrednog društva, vodi podatke o uzurpiranom državnom zemljištu, učestvuje u postupku za vraćanje uzurpiranog zemljišta, vrši identifikaciju parcela kod zamjene, kupovine i prodaje zemljišta, obavlja i druge poslove i zadatke koji nisu izričito navedeni, a proizilaze iz zakona i podzakonskih akata i spadaju u djelokrug radnog mjesta po nalogu direktora, obavezan je na dosljednu primjenu svih usvojenih procedura i uputstava radi provođenja sistema upravljanja kvalitetom, a sve shodno procedurama utvrđenim ISO standardima, za svoj rad odgovoran je direktoru.

Visina pripadajuće osnovne plaće: 1.689,05 KM

Mjesto rada: Zenica

Radno mjesto 02.

Opis poslova: obavlja složene stručno-operativne poslove iz djelokruga Kantonalne uprave, izrađuje analitičke, informativne, tipske i druge izvještaje, redovne i periodične informacije u vezi sa provođenjem obuke čuvara šuma iz oblasti zaštite šuma, rukovanja i upotrebe službenog naoružanja, obavlja poslove organiziranja i vršenja nadzora nad provođenjem obuke čuvara šuma iz oblasti rukovanja i upotrebe službenog oružja, fizičke zaštite i zaštite na radu, pomaže i učestvuje u realizaciji stručnog usavršavanja čuvara šuma, stara se o poštivanju propisa o nošenju službenih uniformi, kao i korištenju druge službene opreme čuvara šuma, organizuje i koordinira provođenje sistematskih pregleda čuvara šuma i ostalih uposlenika Kantonalne uprave, vrši izradu redovnih i periodičnih izvještaja u vezi sa korištenjem sredstava i opreme kojom raspolaže Kantonalna uprava, prati stanje sredstava i opreme čuvarske službe, vodi odgovarajuće evidencije sa potrebnim podacima radi poduzimanja preventivnih mjera održavanja, vodi evidencije o zaduženju i razduženju sredstava i opreme Kantonalne uprave, stara se o ispravnosti vozila Kantonalne uprave i u cilju otklanjanja uočenih nedostataka te ostvaruje saradnju sa Službom za zajedničke poslove Zeničko-dobojskog kantona, vodi i ažurira evidencije o vrsti i količini službenog oružja i municije koje koriste čuvari šuma i vrši zaduživanje i razduživanje čuvara šuma sa službenim oružjem i municijom, prikuplja zahtjeve odjeljenja za nabavkom i priprema trebovanja sredstava i opreme za potrebe Kantonalne uprave, obavezan je na dosljednu primjenu svih usvojenih procedura i uputstava radi provođenja sistema upravljanja kvalitetom, a sve shodno procedurama utvrđenim ISO standardima, redovno dostavlja izvještaje o radu te druge informacije i analize po zahtjevu direktora ili pomoćnika direktora, obavlja i druge poslove i zadatke koji nisu izričito navedeni, a proizilaze iz zakona i podzakonskih akata i spadaju u djelokrug radnog mjesta, po

nalogu direktora, za svoj rad odgovoran je direktoru.

Visina pripadajuće osnovne plaće: 1.689,05 KM

Mjesto rada: Zenica

Radno mjesto 03.

Opis poslova: rješava jednostavnije upravne stvari u prvostepenom upravnom postupku (skraćenom upravnom postupku), prikuplja i ažurira podatke o zaposlenima, radnim mjestima i cjelokupnoj organizaciji Kantonalne uprave za šumarstvo, organizuje kompletiranje i ažuriranje personalne dokumentacije i personalnih dosjea službenika i namještenika i odgovara za stanje te dokumentacije, vrši stručne i administrativne poslove za potrebe prvostepene disciplinske komisije, uspostavlja i vodi evidenciju o povredama na radu i učestvuje u postupku utvrđivanja činjenica i izdavanja prijave o nesreći na poslu, vrši stručne i administrativne poslove za potrebe direktora Kantonalne uprave u postupku ocjenjivanja rada državnih službenika i namještenika, priprema prijedloge odluka i drugih općih akata iz nadležnosti Kantonalne uprave, vrši poslove prijave i odjave državnih službenika i namještenika iz oblasti penzionog i zdravstvenog osiguranja, priprema uvjerenja o radnom stažu na osnovu službene evidencije, obavlja poslove u komisijama, timovima i radnim grupama koje imenuje direktor Kantonalne uprave, uspostavlja, izrađuje, vodi i održava evidencije iz oblasti ljudskih potencijala za koje je propisana takva evidencija, obezbjeđuje plan i izvještaj o godišnjim odmorima zaposlenih u Kantonalnoj upravi, pokreće i realizuje sve postupke javnih nabavki za potrebe Kantonalne uprave u skladu sa Zakonom o javnim nabavkama, vrši redovno izvještavanje o svim provedenim postupcima javnih nabavki, prati i primjenjuje sve promjene Zakona o javnim nabavkama, čuva i odgovara za svu dokumentaciju vezanu za postupke javnih nabavki i arhivira je u skladu sa propisima koji regulišu ovu materiju, obavlja i druge poslove i zadatke koji nisu izričito navedeni, a proizilaze iz zakona i podzakonskih akata i spadaju u djelokrug radnog mjesta po nalogu direktora, obavezan je na dosljednu primjenu svih usvojenih procedura i uputstava radi provođenja sistema upravljanja kvalitetom, a sve shodno procedurama utvrđenim ISO standardima, za svoj rad odgovoran je direktoru.

Visina pripadajuće osnovne plaće: 1.689,05 KM

Mjesto rada: Zenica

III. USLOVI ZA PRIJAVU

Opći uslovi:

Kandidati moraju ispunjavati opće uslove iz člana 25. Zakona o državnoj službi u Federaciji Bosne i Hercegovine (u daljem tekstu: Zakon):

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije

najmanje VII stepena stručne spreme, odnosno visoko obrazovanje prvog, drugog ili trećeg ciklusa bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uslove za njihovo obavljanje u organima državne službe u Federaciji Bosne i Hercegovine;

4. da je zdravstveno sposoban/a za obavljanje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Posebni uslovi:

Pored općih uslova navedenih u javnom konkursu, kandidati moraju ispunjavati i posebne uslove i to:

Radno mjesto 01.

- VSS-VII stepen stručne spreme, odnosno visoko obrazovanje sa najmanje 180 ECTS bodova, prvog ciklusa bolonjskog sistema studiranja - geodetske struke,
- najmanje 1 (jedna) godina radnog staža u struci, nakon sticanja visoke stručne spreme odnosno visokog obrazovanja,
- poznavanje rada na računaru.

Radno mjesto 02.

- VSS-VII stepen stručne spreme, odnosno visoko obrazovanje sa najmanje 180 ECTS bodova prvog ciklusa bolonjskog sistema studiranja - društvene ili tehničke struke,
- najmanje 1 (jedna) godina radnog staža u struci, nakon sticanja visoke stručne spreme odnosno visokog obrazovanja,
- poznavanje rada na računaru.

Radno mjesto 03.

- VSS-VII stepen stručne spreme, odnosno visoko obrazovanje sa najmanje 180 ECTS bodova, prvog ciklusa bolonjskog sistema studiranja - pravne struke ili upravne struke,
- najmanje 1 (jedna) godina radnog staža u struci, nakon sticanja visoke stručne spreme odnosno visokog obrazovanja,
- poznavanje rada na računaru.

IV. IZBORNI PROCES

Izborni proces se provodi putem ispita općeg znanja (IOZ) i stručnog ispita.

- **IOZ** ima za cilj utvrditi da li kandidati koji konkurišu na radno mjesto državnog službenika posjeduju dovoljan stepen općeg znanja, što je preduslov za rad u organima državne službe u Federaciji Bosne i Hercegovine. Kandidati koji su položili stručni upravni ispit na bilo kom drugom nivou vlasti u Bosni i Hercegovini ili su položili pravosudni ispit izuzeti su od polaganja IOZ.
- **Stručni ispit** provodi se s ciljem procjene sposobnosti kandidata za obavljanje poslova na konkretnom radnom mjestu, a sastoji se od pisanog i usmenog dijela (strukturiranog intervjua). Pravo pristupa stručnom ispitu imaju kandidati koji se prijavljuju na radna mjesta državnih službenika, pod uslovom da ispunjavaju uslove javnog konkursa i da su prethodno položili ispit općeg znanja (IOZ), a prema strukturi **stručnog ispita za radno mjesto državnog službenika - stručnog saradnika, koji se sastoji od:**
 - Pisanog dijela stručnog ispita, koji se polaže u vidu testa od 10 pitanja zatvorenog tipa sa opcijskim odgovorima.
 - Kandidat koji je položio pisani dio stručnog ispita pristupa usmenom dijelu stručnog ispita koji se provodi kroz strukturirani intervju na kojem članovi Komisije vrše procjenu kompetencija za obavljanje poslova konkretnog radnog mjesta na koje se kandidat prijavio. Strukturirani intervju Komisija vodi po utvrđenoj Listi kompetencija koja čini sastavni dio [Instrukcije o provođenju stručnog ispita](#).

V. PRIJAVA NA JAVNI KONKURS:

Prijavu na javni konkurs kandidati mogu podnijeti na dva načina: online putem web aplikacije „eKonkurs“ ili putem pošte na adresu Agencije, u skladu s uslovima ovog javnog konkursa, odnosno u skladu sa statusom kandidata u pogledu obaveze polaganja ispita općeg znanja:

1. **Kandidati izuzeti od polaganja ispita općeg znanja prijavu podnose:**
 - **Online putem web aplikacije „eKonkurs“** otvaranjem korisničkog računa te podnošenjem uredno popunjene online prijave, u skladu s [Procedurom o postupku elektronske prijave kandidata na javni konkurs](#)¹.
 - **Putem pošte** – dostavljanjem uredno popunjenog [Obrasca prijave](#)² (bez dodatne dokumentacije).
2. **Kandidati koji nisu izuzeti od polaganja ispita općeg znanja prijavu podnose:**
 - **Online putem web aplikacije „eKonkurs“** otvaranjem korisničkog računa te podnošenjem uredno popunjene online prijave u skladu s [Procedurom o postupku elektronske prijave kandidata na javni konkurs](#) sa obavezom učitavanja dokaza:

¹ <https://ekonkurs.adsfbih.gov.ba/BS/Home/Stranica/56>

² <https://ekonkurs.adsfbih.gov.ba/BS/Home/Stranica/53>

[Uvjerenje o radnom stažu](#)³ u struci nakon sticanja visoke stručne spreme na obrascu uvjerenja dostupnom na web stranici Agencije ili drugi dokaz koji sadrži sve podatke navedene u propisanom obrascu.

- **Putem pošte** – uredno popunjen [Obrazac prijave](#) i dokaz: [Uvjerenje o radnom stažu](#), u struci nakon sticanja visoke stručne spreme, original ili ovjerena kopija na obrascu dostupnom na web stranici Agencije ili drugi dokaz koji sadrži podatke navedene u propisanom obrascu.

3. Kandidati koji imaju status namještenika u organima državne službe i koji su stekli visoku stručnu spremu prijavu podnose:

- **Online – putem web aplikacije „eKonkurs“** otvaranjem korisničkog računa te podnošenjem uredno popunjene online prijave, u skladu [Procedurom o postupku elektronske prijave kandidata na javni konkurs](#) sa obavezom učitavanja dokaza:
 - a) Fakultetska diploma (nostrificirana ako fakultet nije završen u Bosni i Hercegovini ili ako je diploma stečena u nekoj od država nastalih raspadom SFRJ nakon 06.04.1992. godine),
 - b) Dokaz da su zaposleni u organu državne službe kao namještenici, izdat nakon objave javnog konkursa,
 - c) Dokaz o najmanje pet godina radnog iskustva u organima državne službe nakon položenog stručnog ispita za namještenike,
 - d) Dokaz o položenom stručnom ispitu za namještenike u organima državne službe.
- **Putem pošte** – uredno popunjen [Obrazac prijave](#) i original ili ovjerenu kopiju sljedećih dokaza:
 - a) Fakultetska diploma (nostrificirana ako fakultet nije završen u Bosni i Hercegovini ili ako je diploma stečena u nekoj od država nastalih raspadom SFRJ nakon 06.04.1992. godine),
 - b) Dokaz da su zaposleni u organu državne službe kao namještenici, izdat nakon objave javnog konkursa,
 - c) Dokaz o najmanje pet godina radnog iskustva u organima državne službe nakon položenog stručnog ispita za namještenike,
 - d) Dokaz o položenom stručnom ispitu za namještenike u organima državne službe.

VI. DOSTAVLJANJE DOKAZA NAKON STRUČNOG ISPITA

Kandidati koji uspješno polože stručni ispit dužni su u roku od **pet dana** od dana prijema obavještenja od strane Agencije, putem pošte, dostaviti dokaze (original ili ovjerene fotokopije) **o ispunjavanju općih i posebnih** uslova ovog javnog konkursa, izuzev dokaza o zdravstvenoj sposobnosti, **sa sljedećom napomenom da:**

- *Ovjerena fotokopija diplome o završenom visokom obrazovanju mora sadržavati napomenu da izvornik - diploma, sadrži suhi žig koji se na fotokopiji ne vidi.*

³ <https://ekonkurs.adsfbih.gov.ba/BS/Home/Stranica/53>

Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbačene kao neuredne.

- *Dokaz o radnom stažu u struci dostaviti na Obrascu [Uvjerjenja o radnom stažu](#), a izuzetno se može dostaviti i drugi dokument pod uslovom da sadrži sve podatke koji su propisani obrascem uvjerenja.*
- *Kandidat koji polaže pravo na prioriteto zapošljavanje po osnovu posebnog zakona dužan je istovremeno sa dostavom dokaza o ispunjavanju uslova javnog konkursa dostaviti i odgovarajuće dokaze o svom statusu u skladu s propisom na koji se poziva, koje će prilikom izbora kandidata cijeliti rukovodilac organa državne službe,*
- *Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.*

VII. OBAVJEŠTAVANJE KANDIDATA

Agencija, u skladu sa članom 30. Zakona o državnoj službi u Federaciji Bosne i Hercegovine i članom 24. Uredbe o uslovima, načinu i programu polaganja ispita općeg znanja i stručnog ispita za kandidate za državnu službu u Federaciji Bosne i Hercegovine („Službene novine Federacije BiH“, broj: 75/24) objavljuje rezultate javnog konkursa na Oglasnoj ploči (u digitalnom i fizičkom formatu) i pisano informira sve kandidate o rezultatima koje su postigli.

Agencija obavještava kandidate o svim fazama izbornog postupka, datumu, vremenu i mjestu polaganja ispita općeg znanja i stručnog ispita i drugim informacijama vezano za konkurs putem službene web stranice <https://ekonkurs.adsfbih.gov.ba>, web aplikacije „eKonkurs“ ili elektronskim putem (e-pošta) u slučaju da je ista sastavni dio prijavnog obrasca kandidata.

VIII. VAŽNE UPUTE KANDIDATIMA

1. Prijava dobija šifru pod kojom podnosilac prijave učestvuje u daljnjem izbornom postupku. O dodijeljenoj šifri podnosilac prijave će biti obaviješten putem adrese e-pošte navedene u prijavnom obrascu.
2. Kandidati u javnom konkursu moraju ispunjavati uslove javnog konkursa s danom njegove objave u „Službenim novinama Federacije BiH“, neovisno od toga kada su dokazi dostavljeni.
3. Ako kandidat ne pristupi polaganju stručnog ispita smatrat će se da je odustao od dalje konkursne procedure.
4. Kandidate koji polože stručni ispit (pismeni i intervju), Agencija će pisano

obavijestiti o vremenu i načinu dostavljanja dokaza o ispunjavanju uslova javnog konkursa.

5. Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.
6. Priprema za ispit: Kandidati mogu koristiti web aplikaciju **ILIAS** za pripremu ispita na adresi: ilias.adsfbih.gov.ba gdje će pronaći:
 - **Pristup materijalima** – Vodič za polaganje ispita općeg znanja i stručnog ispita
 - **Simulaciju ispita** – Probni testovi dostupni online.
7. Agencija za državnu službu Federacije BiH obavještava kandidate da su odgovori na najčešće postavljena pitanja dostupni na službenoj web stranici Agencije. Za dodatna pitanja koja nisu obuhvaćena objavljenim informacijama, službena komunikacija s kandidatima odvija se isključivo putem e-mail adrese: postavljenja.zenica@adsfbih.gov.ba. Molimo kandidate da komunikaciju putem drugih kanala smatraju nevažećom.

IX. ROK ZA PODNOŠENJE PRIJAVE

Rok za podnošenje prijave je **15 (petnaest) dana** od dana objave javnog konkursa u "Službenim novinama Federacije BiH".

Neblagovremene, nepotpune i neuredne prijave bit će odbačene.

Online prijava podnešena putem web aplikacije „eKonkurs“ smatra se blagovremenom ako je poslana najkasnije posljednjeg dana roka predviđenog za podnošenje prijave.

Prijava dostavljena putem pošte smatra se blagovremenom ako je poslana preporučeno najkasnije posljednjeg dana roka predviđenog za podnošenje prijave, na adresu:

**Agencija za državnu službu Federacije BiH
Služba za postavljenja u organima državne službe u
Zeničko-dobojskom kantonu
Kučukovići br. 2, 72000 Zenica
sa naznakom:**

**“Javni konkurs za popunu radnih mjesta državnih službenika u
Kantonalnoj upravi za šumarstvo Ministarstva za poljoprivredu, šumarstvo i
vodoprivredu Zeničko-dobojskog kantona“,
sa pozivom na broj: 09-30-8-58/25**

DIREKTOR

Refik Begić, magistar uprave, s.r.